

SARS yi tivisa masungulo ma Nguva yo Fayila ya lembexibalo ra 2024

Tshwane, 28 Khotavuxika 2024 – Vukorhokeri bya Xibalo bya Afrika-Dzonga (SARS) byi tivisile ti 17 ta Mawuwani tanihi masungulo ma Nguva yo Fayila ya vahakelaxibalo va nkarhinyana na lava nga riki va nkarhinyana lava faneleke ku fayila ntlheriso wa xibalo. Tiauto-assessments eka xihlovo lexi ndlandlamuxiweke xa vahakelaxibalo ti ta sungula ku sukela hi ti1 ku fikela ti 14 Mawuwani 2024.

Vahakelaxibalo lava vuxokoxoxo bya vona bya vutihlanganisi, ku katsa na imeyili adirese na nomboro ya selifoni, ku katsa na vuxokoxoko bya le bangi, byi cinceke va fanele ku engetela leswintshwa eka vuxokoxoko lebyi eka eFiling kumbe SARS MobiApp ku fambisa Nguva yo Fayila yo kala mafundzu. Engetelo wa leswintshwa wa vuxokoxoko lebyi wu sivela vukungundzwana no vukhamba bya vutitvisi hi la ku kulu.

Khomixinara wa SARS, Edward Kieswetter, u tiyisisile vahakelaxibalo leswaku SARS yi tshama yi tinyiketerile eka xikongomelo xa yona xo endla Nguva yo Fayila eka vahakelaxibalo va ntolovelu yi va phurosese ya nkambonikelo leyi lavaka xiendlo xitsongo kumbe nkaxiendlo ku suka eka muhakelaxibalo, hi mhaka yo tirhisa switiviwa leswikulu, vudyondzi bya muchini na tihlayohlayo

Hi ku fambisana na xikongomelo xa kungu xo endla swi olova no vevuka eka vahakelaxibalo ku fikelela swiboho swa vona swa xinawu, SARS ya tinyungubyisa ku tivisa leswaku xihlovo xa vahakelaxibalo lava nga ta kuma *auto-assessment* xi ta engeteleka ku ya eka 4.8 million lembe leri loko ku fananisiwa na kwalomuya ka 3.8 million wa vahakelaxibalo eka lembe leri nga hela.

Vahakelaxibalo lava pfumelelanaka na *auto-assessment* a va fanelangi ku endla nchumu. Loko va kolotiwa vuyiselomali, yi ta hakeriwa eka 72 wa tiawara. Loko xibalo xi kolotiwa SARS, muhakelaxibalo u fanele ku endla hakelo hi siku ro hakela hi rona.

Loko muhakelaxibalo a nga pfumelelani na *auto-assessment*, u fanele ku endla micinco leyi faneleke no fayila ntlheriso wa yena hi ndlela ya ntolovelu hi ku tirhisa eFiling kumbe SARS MobiApp hi kumbe ku nga si fika ti 21 Nhlangua 2024, ku nga siku ro pfala ra vahakelaxibalo lava nga riki va nkarhinyana.

Masiku ma Nguva yo Fayila:

- Switiviso swa *auto-assessment*: 1 – 14 Mawuwani 2024
- Vahakelaxibalo vona vini (lava nga riki va nkarhinyana): 15 Mawuwani 2024 – 21 Nhlangua 2024
- Vahakelaxibalo va nkarhinyana: 15 Mawuwani – 20 Sunguti 2025
- Tithirasiti: 16 Ndzati 2024 – 20 Sunguti 2025

Khomixinara Kieswetter u te, "Nhlayo leyikulu ya tipulatifomo ta xidijiti leti kumekaka eka vahakelaxibalo ti tiyisisa endlelo ra nhlayo leyi chikaka ya vahakelaxibalo leyi

lavaka ku endzela marhavi no yima etilayenini." Ku languteriwile leswaku eka mavhiki mambirhi mo sungula ma Mawuwani na mavhiki mo sungula ma Nhlangula, vahakelaxibalo vo tala va ta tsutsumela ku burisana na SARS, laha ku nga ha va ka na swiyimo swin'wana laha vahakelaxibalo va nga yimaka nkarhi wo leha ku tula ntolovelo leswaku va korhokeriwa.

Vahakelaxibalo lava kumaka *auto-assessment* kambe va tsakela ku koxa malintlheriselo ya xibalo ya sola va fanele ku tata ntlheriso wa xibalo no wu fayila hi ndlela ya ntolovelo. Vuxokoxoko hi xitalo eka malintlheriselo ya xibalo ya sola bya kumeka eka webusayiti ya SARS eka sars.gov.za.

Vahakelaxibalo va nga tihlanganisa na SARS hi ku tirhisa *SARS Online Query System*. *SARS Online Query System* i pulatifomo ya le ka inthanete yo olova ku yi tirhisa eka webusayiti ya SARS (<https://tools.sars.gov.za/sogs>). Vahakelaxibalo va nga thirhisa vukorhokeri lebyi handle ko ya erhavini ra SARS kumbe ku bela SARS riqingho. *SARS Online Query System* yi kotisa vahakelaxibalo ku:

- a. Rhumela xivutiso xa avelo wa hakelo.
- b. Kombela nomboro ya wena ya rheferense ya xibalo.
- c. Rhumela tidokhumente to seketela loko SARS yi ku komberile ku endla tano.
- d. Vika kheyisi yintshwa ya rifa.
- e. Engetela leswintshwa eka muyimeri loyi a tsarisiweke.
- f. Kombela xiyimo xa wena xa vulandzelelanawu bya xibalo.
- g. Tiyisisa xiyimo xa wena xa vulandzelelanawu bya xibalo.
- h. Xiya loko muhakelaxibalo a fanerile hi *auto-assessment*, leswi nga endliwaka ntsena loko phurosese ya *auto-assessment* yi sungula hi ti1 Mawuwani.

Vuxokoxoko byo engetelela hi xiyimo xa swivutiso na tihlamulo byi nga kumeka eka webusayiti ya SARS [Tax Season | South African Revenue Service \(sars.gov.za\)](https://sars.gov.za/tax-season). Vahakelaxibalo va nga burisana na SARS hi ku tirhisa Lwazi Chatbot kumbe xitirho xa *Live Agent* eka eFiling na SARS MobiApp.

Khomixinara Kieswetter u kombela vahakelaxibalo leswaku va vonikela no lulama loko va fayila mitlheriso ya vona ya xibalo ku kotisa vuxaka byo khomeka na SARS. "Ntirhiso wa thekinoloji na switiviwa wu ndlandlamuxile vuswikoti bya SARS byo vhumbunula swiyimo swa nkavulandzelelanawu. Vahakelaxibalo va fanele ku ka va nga ndlandlamuxi tihakelo ta vona no tivisela hansi malinghena ya vona ku kuma mivuyiselomali leyi nga pfumeleriwangiki. Ku nga katsiwi malinghena ya rhente tanihi xikombiso. Swiendlo sweswo swi ta endla muhakelaxibalo a va na nandzu wa vuxisi."

SARS yi khensa vathori lava landzelelaka na vanyiki va switiviwa swa vandla ra vunharhu lava fikeleleke siku ro pfala ra rhumelo ra 2024. Vuxokoxoko byo lulama na

bya nkarhi wolowo lebyi nyikiweke eka phurosese leyi byi fambisa hi la ku kulu thiransakixini yo kala mafundzu no olova eka vatirhi na SARS enkarhini wa Nguva yo fayila. Vathori valavo na mavandla ma vunharhu lava nga landzeleriki lava endlaka ku thiransakita na SARS swi nonoha eka vatirhi va vona ku ta tirhaniwa na vona mayelana no tluriwa ka nawu.

Vahakelaxibalo va **nga dyondza swo tala mayelana na matirhiselo ma tipulatifomo ta xidijiti ta SARS**, hi ku endzela webusayiti ya SARS (www.sars.gov.za).

Mayelana na vuxokoxoko hi xitalo u komberiwa ku tihlanganisa na SARSMedia@sars.gov.za